

蒲坂楊太宰獻納稿目錄

卷之九

議更大選日期疏

覆河南撫按官梁夢龍等議復開封府捕盜通判疏

覆山西撫按官楊綵等議行太僕寺卿量兼憲職整飭寧武等處兵備疏

議處考察京官疏

覆工部尚書朱衡等議河道官守久任疏

覆蘇松巡按御史劉日膺論劾有司疏

覆福建巡按御史杜化中議僉事梁士楚等責任行

勘疏

覆右通政等官何永慶等自陳酌議去留疏

議起用建言罪廢諸臣鄭履淳等疏

議將給事中陪補都左給事中疏

議已故大學士高儀贈官疏

覆都給事中雜遵等會薦尚書劉體乾等起用疏

覆巡撫宣府都御史吳兌自陳留用疏

覆監察御史馬明謨等會薦尚書鄒宗臯等起用疏

覆巡撫順天都御史楊兆自陳留用疏

覆巡撫保定都御史宋纁自陳留用疏

議行取舉貢揀選州縣正官疏

議都督同知李偉封伯疏

議大學士張居正進勲階疏

覆巡撫山東都御史傅希摯自陳留用疏

覆監察御史胡濬等叅大理寺卿陳一松罰治疏

覆巡撫大同都御史劉應箕自陳留用疏

覆武清伯李偉封贈二代疏

酌議封贈事宜疏

覆提督操江都御史張鹵自陳留用疏

覆南京右通政等官周詩等自陳留用疏

蒲坂楊太宰獻納稿卷九目錄終

蒲坂楊太宰獻納稿卷之九

議更大選日期疏

少傅兼太子太傅吏部尚書臣楊博等謹

題爲大選事文選清吏司案呈照得本部每遇雙月二十八九日例該大選官員本司承行先期考舉貢監生三者吏員司審本稿堂審單說選各一日共五日俱在十六日之後二十五日之前必不可併者今照隆慶六年六月終復該選期緣本部印信本月十六日缺官掌管二十一日始奉

欽依本部尚書楊博回部管事本日具疏辭免二十二日

奉

旨不允二十四日

面恩二十五日到任前項銓務本司向在聽候日期已過相應更處查得嘉靖四十四年八月例該大選因停封疏移至九月初四日事體相同呈乞比照題

請等因案呈到部看得前項大選事宜既經該司查呈前來委當更處况有前例相應題

請合候

命下將六月大選日期移於七月初五日其考試審單論等項容臣等照舊輪日舉行隆慶元年六月二十

七日題奉

聖旨是欽此

覆河南撫按官梁夢龍等議復開封府捕盜通判疏

題為查復巡捕官員事文選清吏司案呈奉本部送吏科抄出巡撫河南等處地方都察院右副都御史梁夢龍巡按河南監察御史楊相題俱奉

聖旨吏部知道欽此欽遵抄出送司案查隆慶三年十月內該河南撫按官李邦珍等會題裁革開封府捕盜通判一員就令清軍同知帶管本部覆奉

欽依遵行去後今該前因案呈到部看得河南巡撫都御史梁夢龍巡按御史楊相會題稱開封府盜賊日繁乞要復設通判一員專管捕盜一節為照該府該在河南會城地方濶遠盜賊充斥前項捕盜通判委不可缺不知彼時何故輕易裁革甚非政體所宜相應通行議擬合候

命下將河南開封府復設捕盜通判一員令其專管巡捕事務不許各衙門差占誤事本部仍通行兩直隸十三省撫按官今後裁革官員必事體穩便眾論僉同的係冗員方可具題不然以一人之言而革之以一人之言而復之或以一人之言而又革之歲月未久反覆不一仰煩

明旨殊非革而當其悔乃亡之義以後果有革之不當旋卽查復者卽將原議官員悉聽本部指名叅究隆慶六年六月二十八日題奉

聖旨是欽此

覆山西撫按官楊綵等議行太僕寺卿量兼憲職整飭寧武等處兵備疏

題為僕寺閑散酌議量帶憲職以省冗設以裨邊政事文選清吏司案呈奉本部送吏科抄出提督鴈門等

關兼巡撫山西地方都察院右僉都御史楊綵巡按  
山西監察御史桂天祥題俱奉

聖旨該部知道欽此欽遵抄出送司案查嘉靖三十八年  
十二月准兵部咨山西按察司驛傳僉事改駐劉寧  
武關分管兵備及查嘉靖四十四年十月內准兵部  
咨將遼東行太僕寺少卿兼山東按察司僉事職銜  
不妨原管馬政隆慶元年正月內又准兵部咨將肆  
肅行太僕寺寺丞裁革改設少卿兼陝西按察司僉  
事俱經題奉

欽依案候在卷今該前因通查案呈到部看得山西巡撫  
都御史楊綵巡按御史桂天祥會題前因乞要裁革  
寧武兵備將行太僕寺卿兼僉事職銜移駐寧武帶  
管兵備寺丞裁革大同馬政令各兵備道嚴加整理  
各一節臣等反覆參詳便徵發省冗員免閑曠委有  
三便况見任寺卿王惟寧才力有為足稱任使既經  
該司查有前例相應通行依擬合候

命下將山西行太僕寺卿王惟寧加兼按察司僉事職銜  
改駐寧武關不妨馬政整飭中路兵備本部給憑仍  
咨該部照例請

勅令其欽遵行事其原駐寧武兵備僉事并該寺寺丞俱

行裁革見任僉事趙世相寺丞熊傑各令起送改選  
大同馬政事務仍行該鎮各兵備道兼理該寺主簿  
衙舍聽撫按衙門徑自議處施行隆慶六年六月二  
十九日題奉

聖旨是欽此

議處考察京官疏

題爲傳奉事考功清吏司案呈奉本部送隆慶六年六  
月二十七日該司禮監太監馮保等傳奉

聖諭朕初嗣大位欲簡汰衆職圖新治理兩京五府掌印  
僉書管軍管事公侯伯都督總兵副總兵官錦衣衛管

衛事并南北鎮撫司管事指揮以上六部等衙門四品  
以上及各總督提督巡撫官俱著自陳去留取自上裁  
五品以下文職兩京吏部都察院會官考察科道拾遺  
糾劾俱如隆慶元年例行欽此欽遵恭捧到部送司查  
得成化十三年該本部議得通政使司叅議大理寺  
太常寺太僕寺寺丞翰林院學士光祿寺鴻臚寺少  
卿寺丞國子監司業欽天監監正監副太醫院院使  
院判上林苑監監丞等官雖係五品以下俱係在京  
衙門堂上官員若論堂上官例不考覈若論品級例  
該考察具題節奉

憲宗皇帝聖旨各衙門堂上官但係五品以下的恁部裏  
照例會官考察欽此又查得弘治元年該翰林院掌院  
事少詹事兼侍講學士汪諧等奏要將侍講等官并  
內閣書寫

誥勅等項署正等官會同

內閣學士考察該本部查照舊例覆題節奉

孝宗皇帝聖旨恁部裏還會同翰林院掌印官考察欽此

又查得正德十六年奉

詔考察該本部查議具題節奉

世宗皇帝聖旨翰林院詹事府春坊官并其餘帶俸官照

弘治年間例考察欽此隨該翰林院侍講學士劉龍奏

稱本院學士俱聽自陳免赴部考察等因奉

欽依學士照例免考劉龍着會同考察欽此又查得嘉靖

六年題奉

欽依各衙門堂上官五品以下的都照成化以來節年舊

例你部裏會同都察院并本衙門堂上官考察翰林院

詹事府左右春坊司經局等官及內閣書辦四夷館譯

字各衙門帶俸等官都照正德十六年事例考察學士

免考著自陳欽此又查得嘉靖二十四年該本部題奉

欽依這考察官員貪酷不謹等項部院從公考覈去留其



清穆大... 卷九  
依附權勢寅緣速化的着嚴加黜汰以正士風其餘准  
議行太醫院官照例考察欽天監罷欽此又查得  
文華殿

武英殿辦事各官例該考察近年雖嘗奏乞免考似於  
黜陟之典有礙呈乞查處通查案呈到部看得欽天  
監官

御用監等監各項匠作官俱例不考察難以別議外其  
在京各衙門并

文華武英二殿辦事各官欲便照例通行將堂上五品  
所屬五品以下見任帶俸公差丁憂養病侍親給假  
及行查未報并隆慶三年二月以後陞任等項官員  
逐一備開脚色務在二日以裏先送本部查收約日  
會考廉勤公謹才行超卓者遇有內外相應員缺另  
行擢用職業頗修操履不失者存留辦事貪淫酷暴  
罷輒無爲素行不謹年老有疾浮躁淺露才力不及  
衆所共知者分別黜退降調翰林院詹事府左右春  
坊司經局等官

內閣書辦四夷館譯字各衙門帶俸等官仍會同都察  
院并該衙門堂上官考察完日通將黜調緣由奏

請定奪若有遺漏聽科道官照例糾劾黜退降調官員備

行巡城御史緝事衙門嚴加查究不許潛住京師造  
言生事撫拾妄奏違者不分有無冠帶俱發口外爲  
民一面行南京吏部一體查照施行正等再惟我  
皇上嗣位之初厲精圖治親總萬機中外仰頌

聖明真同日月所據簡汰舉職一事查有嘉靖隆慶  
兩朝事例委當舉行但嘉靖元年當積弊之後隆慶元年  
當積久之餘一時考黜老病不謹等項種種有人

先帝臨御僅及六年元年則奉

詔考察京官二年則朝

覲考察外官三年則遵例考察京官四年則奉

諭考察言官五年又朝

覲考察外官六年五考剗除殆盡今次若使拘泥舊例不  
惟善類有傷殊非

清世平明之治合無容臣等從實考察如老病不謹等項  
果有其人即便議黜果無其人寧虛其名目不宜委  
曲遷就且各衙門事有繁簡人有純駁難以一律果  
有其人雖汰黜數人亦不爲多果無其人雖不黜一  
人亦不爲少大抵因時制宜不貴於繁惟貴於簡不  
貴於多惟貴於精臣等愚見如此併乞

聖裁隆慶六年六月二十九日題奉

聖旨是卿等務要虛心甄別毋縱匪人毋枉善類以稱朕  
簡才圖治之意欽此

覆工部尚書朱衡等議河道官守久任疏

題為議處守河事宜以圖善後事文選清吏司案呈奉  
本部送准工部咨都水清吏司案呈奉本部送工科  
抄出太子少保本部尚書兼都察院左副都御史朱  
衡總理河道兼提督軍務兵部左侍郎兼都察院右  
僉都御史萬恭條為六議等因俱奉

大行皇帝聖旨工部知道欽此欽遵通抄到部送司查得  
條陳六款內議官守議久任二事係隸吏部掌行  
應咨覆等因咨部送司案呈到部看得太子少保工  
部尚書兼都察院左副都御史朱衡等所陳二事合  
就開立前件議擬上

請定奪隆慶六年七月初五日題奉

聖旨依議行欽此

計開

一議官守前件臣等看得官有專責則事可責成况  
今河道多艱委難兼攝所據尚書朱衡等要將淮安  
府添設同知一員與見任通判總管河道徐州復設  
判官一員靈璧縣復設主簿一員邳州判官減去治

農管糧事務與見任徐州州判睢寧宿遷縣主簿分  
管河道而又分派信地定擬駐所事體俱屬詳妥合  
無依其所擬本部添設淮安府同知一員復設徐州  
判官靈壁縣主簿各一員與同見任通判州判縣主  
簿等官俱聽河道衙門查照今擬責成內徐州判官  
二員一員駐茶城管徐州以上歷茶城境山溜溝等  
處河道各隄淺一段一員駐黃鍾集管徐州以下起  
至呂梁六十里一段靈壁縣主簿駐雙溝管呂梁起  
至馬家淺六十里一段睢寧縣主簿駐王家口管馬  
家淺起至邳州六十里一段邳州判官減去治農管  
糧事務原張林鋪管邳州起至直河六十里一段宿  
遷縣主簿駐朱乙城管直河以下至小河口七十里  
并小河口以下至宿遷縣一段直河以上俱屬同知  
總管直河以下俱屬通判總管如遇有急互相協理  
以上職掌本部登註缺冊仍明註各官文憑通行遵  
守其邳州治農管糧判官一員應否復設備行彼處  
撫按官另行查議具奏

一議又任前件臣等有得又任之說屢經諸臣建白  
本部覆議然竟不能行者人情事體均有不便故耳  
所據尚書朱衡等欲將河工諸臣又其事不又其官

誠爲確論合無依其所擬本部移咨河道衙門每遇  
年終備將管河官員通行甄別如果熟諳河務修守  
有効者列爲上等聽本部查議管河主簿陞管河縣  
丞管河縣丞陞管河州判管河州判陞管河同知管  
河同知陞管河通判係科目出身管河通判陞管河  
同知管河同知陞管河僉事通陞參議副使直至總  
理亦不爲過其職業頗修者三年通敘無益地方者  
不時斥罰行之旣又在河工則有得人之慶在人才  
則無久滯之虞調停之法無良於此

覆蘇松巡按御史劉曰睿論劾有司疏

題爲舉劾有司官員以飭吏治事考功清吏司案呈奉  
本部送吏科抄出巡按直隸監察御史劉曰睿題奉  
聖旨該部知道欽此欽遵抄出送司查得本部見行事例  
凡官員才力不及者酌量調用案呈到部看得巡按  
直隸監察御史劉曰睿論劾鎮江府同知于時保松  
江府通判鄭日新改調一節爲照同知于時保先任  
冀州後任鎮江御史陳省嘗疏薦其賢都御史王宗  
沐近又特薦其才猷老練任事實心糧船監造欲借  
專理止緣設柵防盜不便豪強致成萋菲之謗通判  
鄭日新勞怨不辭廉勤茂著歷年考詞絕無一字見

嘗與令所劾亦相矛盾若使聽其改調似無以為吏治之勸相應議擬合候

命下將于時保鄭日新俱令照舊供職不許因而阻喪致招後議本部備行彼處撫按官遵照施行隆慶六年七月初五日題奉

聖旨是欽此

覆巡按福建御史杜化中議僉事梁士楚等責任行勘疏

題為議處添註海防方面有司官員以一事權以專責成事文選清吏司案呈奉本部送吏科抄出巡按福建監察御史杜化中題奉

聖旨吏部知道欽此欽遵抄出送司案查梁士楚於隆慶四年四月題奉

欽依添註福建按察司僉事本年十月該巡撫何寬題將梁士楚駐劄詔安團練民兵又查得嘉靖四十二年三月奉

欽依將漳州府推官鄧士元添註本府同知本官陞任隆慶二年十月准福建巡撫塗澤民咨稱漳州府添註同知照舊銓補責令專駐雲霄鎮料理水陸軍務俱經遵行去後今該前因通查案呈到部看得巡按福

建監察御史杜化中題稱巡海團練勢難共處清軍  
海防事可兼攝要將團練道僉事梁士楚以原官改  
巡海道而裁去團練以漳州府清軍同知羅拱辰兼  
海防而革去清軍及將見任巡海副使陶幼學海防  
同知殷康查缺另補各一節為照漳南海濱之郡屬  
邑不多而憲臣並臨同知並設委難行事但事干地  
方未經巡撫官會奏輒難議擬合候

命下將御史杜化中所奏事情備行巡撫都御史殷從儉  
會同巡按御史督同司道等官再行詳議要見梁士  
楚應否改福建按察司巡海道僉事仍兼團練事務  
漳州府清軍同知羅拱辰應否兼管海防其原添  
團練道該府清軍同知俱應否裁革見任巡海副使  
陶幼學同知殷康應否候缺另補如果無異會本具  
奏如有窒礙亦要具由奏

知在巡按不宜專執已見在巡撫務要廣集眾思庶幾人  
無閒言事可經久隆慶六年七月初六日題奉  
聖旨是欽此

覆右通政等官何永慶等自陳酌議去留疏  
題為自陳不職乞

賜罷黜以公考察事考功清吏司案呈奉本部送吏科抄

出通政使司右通政等官何永慶等奏奉

聖旨吏部知道欽此欽遵通抄送司案呈到部有得通政使司右通政何永慶提督騰黃通政使司右通政韓楫鴻臚寺卿王之垣大理寺左少卿劉思問右少卿宋良佐提督四夷館太常寺少卿劉淳少卿陳行健太僕寺少卿董堯封陳聯芳李幼滋順天府府丞劉堯誨各自陳不職一節為照王之垣劉思問宋良佐陳行健董堯封陳聯芳李幼滋劉堯誨年齡方茂職業咸前所當留用何永慶甘心城社不惟大壞乎官常絕意風雲亦且稍干乎選法所當重處韓楫曾上封事才識未見其䟽通周歲驟遷資望有歉於輿論劉淳知識踈淺實非衡鑑之才注措乖張虛冒清華之秩所當酌處既經各官自陳前來相應通行議擬合候

命下將王之垣劉思問宋良佐陳行健董堯封陳聯芳李幼滋劉堯誨容令照舊供職何永慶照不謹事例擬帶閑住韓楫劉淳照不及事例降級調外但係京堂官員去留出自

朝廷臣等未敢定擬隆慶六年七月初十日題奉

聖旨王之垣等着照舊供職何永慶官帶閑住韓楫劉淳



俱降一級調外任欽此

議起用建言罪廢諸臣鄭履淳等疏

題為

開讀事文選清史司案呈伏觀

詔書內一欵自嘉靖四十五年十二月以後至隆慶六年

五月以前建言罪廢諸臣吏部備查中間如果情非挾

私才力堪用者議擬具奏起用欽此欽遵查得原任尚

寶司司丞今為民鄭履淳原任戶科都給事中今為

民李已原任禮科左給事中今革職陸鳳儀原任吏

科給事中今為民石星原任工科給事中今為民陳

吾德原任雲南道監察御史今為民詹仰庇俱係建

言罪廢人數相應遵

詔議擬具奏案呈到部臣等看得原任尚寶司司丞等官

鄭履淳李已石星陳吾德四員仰荷

先皇覆載之恩恭効臣子曝芹之獻其言雖不當而心本

為公其人雖不同而才皆可用相應准復原職者也

陸鳳儀詹仰庇二員或奉事不恭而跡成訛舛或敷

陳無序而志在干名但才識尚多足取年力均在可

惜相應另行議處者也既經奉有前項

恩詔通應題

請合候

命下將鄭履淳等復除原職行令到任管事陸鳳儀等另  
議隆慶六年七月十五日題奉

聖旨是欽此

議將給事中陪補都左給事中疏

題為缺官事文選清吏司案呈准吏科手本開稱兵科  
等科缺都給事中三員左給事中三員右給事中四  
員共十員煩為銓補等因到司已經呈部具題訖隨  
准該科手本開稱各科見任止左給事中三員右給  
事中一員并給事中一十二員歷俸年月日期到司  
查得右給事中員缺應於給事中內推補外其都給  
事中左給事中應於左右給事中內推補正陪十二  
員人數不敷相應酌處案呈到部看得六科推補之  
序以左陞都以右陞左雖係成例而一時乏人委難  
盡拘既經該司查呈前來相應題

請合候

命下將見任左右給事中與給事中容臣等酌量資俸相  
兼題補隆慶六年七月十五日題奉

聖旨是欽此

議已故大學士高儀贈官疏

題為病故輔臣事驗封清吏司案呈奉本部送准禮部  
咨該本部題祠祭清吏司案呈奉本部送禮科抄出  
少師兼太子太師吏部尚書建極殿大學士張居正  
題近該太子少保禮部尚書兼文淵閣大學士高儀  
在任病故乞要贈官等因咨部送司查得嘉靖二十  
九年該少師兼太子太師吏部尚書華蓋殿大學士  
嚴嵩等題稱太子太保禮部尚書兼文淵閣大學士  
張治病故乞要贈官該本部議擬題奉

聖旨張治准贈少保欽此除欽遵外今該前因查呈到部  
看得禮部咨開太子少保禮部尚書兼文淵閣大學  
士高儀在任病故乞要贈官一節為照本官學識淵  
醇性資端亮新迪

內閣雖未紆捧日之忠又在南宮寔茂著格天之烈  
三朝耆舊一代名臣所據贈官既經該司查有前例似應  
題

請但恩典出自  
朝廷臣等未敢定擬隆慶六年七月十五日題奉  
聖旨高儀准贈太子太保欽此

覆都給事中雒遵等會薦尚書劉體乾等起用疏  
題為仰承

德意薦舉遺賢以需

簡用以光

新政事文選清吏司案呈奉本部送吏科抄出吏科都給事中雜遵等題奉

聖旨吏部知道欽此欽遵抄出送司查得原任兵部右侍郎楊魏尚寶司司丞鄭履淳吏科給事中石星已經遵

詔起用復除原職戶科都給事中李已復除兵科都給事中雲南道御史詹仰庇覆奉

欽依另行議處外及查戶部尚書劉體乾係閑任戶部尚書馬森大理寺右少卿丘檉湖廣左叅政溫純俱係養病兵部尚書郭乾南京戶部尚書譚大初南京兵部尚書劉采俱係致仕南京糧儲都御史海瑞係裁革通查案呈到部看得吏科都給事中雜遵等題奉恩詔要將尚書等官劉體乾等或以原官起用或遇便缺改補各一節除楊魏鄭履淳李已石星已經起用詹仰庇另行議處外為照尚書等官劉體乾等以

累朝培奉之材當

聖治維新之會雖品局不同均係一時之望既經都給事中雜遵等會為前來相應通行題

請合候

命下將尚書劉體乾馬森郭乾譚大初劉采都御史海瑞少卿丘擗叅政溫純容臣等遇有相應員缺酌量推補隆慶六年七月十九日題奉

聖旨是欽此

覆巡撫宣府都御史吳兌自陳留用疏

題為自陳不職乞

賜罷斥以新

聖治事考功清吏司案呈奉本部送吏科抄出巡撫宣府

等處地方替理軍務都察院右僉都御史吳兌奏奉

聖旨吏部知道欽此欽遵抄出送司案呈到部看得巡撫

宣府等處地方替理軍務都察院右僉都御史吳兌

自陳不職乞要罷斥一節為照本官性資慷慨操履

清嚴自撫上谷以來百凡注措悉有條貫地方方切

依賴雖經陳乞罷免難以輕擬合候

命下行令吳兌照舊供職務要感

先帝超擢之恩奮後食敬事之義調停暫羈之虜權而不

失乎經安戰又附之夷動而必歸於正南山要害固

宜戒嚴北路戶庭尤當慎固以久任相安以政成自

勵隆慶六年七月二十七日題奉

聖旨吳兌着照舊供職

覆監察御史馬明謨等會薦尚書郭宗臯等起用

疏

題為奉

德意舉逸材以備

甄錄以光

聖治事文選清吏司案呈奉本部送吏科抄出陝西等道

掌道事福建道監察御史馬明謨等題奉

聖旨吏部知道欽此欽遵抄出送司查得兵部右侍郎冀

鍊巡撫陝西都御史張師載大理寺丞降廣西橫州

判官耿定向陝西僉事紀大綱俱係養病兵部左侍

郎翁大立係回籍聽候處分巡撫順天都御史耿隨

卿係為民巡撫鳳陽都御史陳爝係閑住南京兵部

尚書郭宗臯南京刑部右侍郎曹三暘陝西右叅政

舒化俱係致仕左副都御史何維栢江西道御史劉

存義江西副使黃憲卿俱係丁憂大理寺卿何寬寺

丞孫丕揚俱係回籍聽勘吏部稽勲司主事魯邦彥

係終養內冀鍊劉存義於隆慶三年九月該戶部尚

書等官劉體乾等奏薦到部本部覆奉

欽依痊可酌量推用耿隨卿於六年正月該工科給事中

劉伯燮奏薦到部本部覆奉

欽依遇有繁難員缺起用黃憲卿於五年五月該吏科都給事中韓楫等奏薦到部本部覆奉

欽依候缺酌量起用又查得孫丕揚係都給事中程文聽信罷閑知縣揭帖挾私妄劾今已考察閑任何寬係御史杜化中挾私妄劾今已考察降調且事內將官刑部先已審明通查案呈到部看得福建道御史馬明謨等題奉

恩詔要將侍郎等官董鍊等共一十六員遇有相應員缺錄用一節除董鍊耿隨卿劉存義黃憲卿俱經奉

旨酌量起用耿定向先雖養病今在任籍另行推用外其照尚書郭宗臯等雖品秩大小不同均係一時之際新政之初委當及時錄用內何寬孫丕揚無端受誣公論甚明造言者既已見黜被言者自無可罪既經御史馬明謨等奉

詔會薦前來相應通行議擬合候

命下將郭宗臯曹三錫翁大立張師載何維栢陳炳魯邢彥舒化紀大綱何寬孫丕揚十一員容臣等遇有相應員缺酌量推用何寬孫丕揚二員仍移咨都察院轉行各該巡按御史將原勘事情不必勘擾具由回

清城楊大寧屬籍  
卷九  
報隆慶六年七月二十八日題奉

聖旨是欽此

覆巡撫順天都御史楊兆自陳留用疏  
少師兼太子太師吏部尚書臣楊博等謹

題為自陳不職乞

賜罷斥以新

聖治事考功清吏司案呈奉本部送吏科抄出整飭薊州  
等處邊備兼巡撫順天等府地方都察院右僉都御

史楊兆奏本

聖旨吏部知道欽此欽遵抄出送司案呈到部看得整飭  
薊州等處邊備兼巡撫順天等府地方都察院右僉  
都御史楊兆自陳不職乞要罷斥一節為照本官年  
力富强操持清護自撫薊鎮以來一切邊計處置得  
宜人心翕然雖經自陳求罷難以輕擬合候

命下行令楊兆照舊供職務要益勵初忠勉圖後效以主  
兵為經常存一視之懷以容兵為權力求萬全之計  
熟夷奸狡固當潛消驕虜跳梁尤宜深慮上紆

朝廷腹心之憂下盡臣子肱股之義方稱

任使隆慶六年八月初一日題奉

聖旨是楊兆着照舊供職欽此



覆巡撫保定都御史宋纁自陳留用疏

題為自陳不職乞

賜罷斥以肅

新政事考功清吏司案呈奉本部送吏科抄出巡撫保定

等府兼提督紫荆等關都察院右僉都御史宋纁奏

奉

聖旨吏部知道欽此欽遵抄出送司案呈到部看得巡撫

保定等府兼提督紫荆等關都察院右僉都御史宋

纁自陳不職乞要罷斥一節為照本官廉潔無私強

明有幹自撫

畿南以來興廢舉墜大有可觀雖經自陳求罷難以輕

擬合候

命下行今宋纁照舊供職務要以采薇治外慎三關防禦

之圖以天保治內嚴六郡保釐之計必須存渾厚之

體方可保精明之功隆慶六年八月初一日題奉

聖旨是宋纁着照舊供職欽此

議行取舉貢揀選州縣正官疏

題為議處久缺有司官員事文選清吏司案呈照得南

北直隸浙江等十三省見今各缺知州一十餘員知

縣一百四十餘員久未銓補今查在部待選進士除

授將盡八月正選舉人通無一人歲貢又多衰邁求  
之教職則歷俸尚淺求之佐貳則考語不堪牧民正  
官難以久缺查得以治正德年間題

准事例每年大選外遇有各處府佐州縣正官員缺數多  
照例將在部聽選并行取臨近地方舉人歲貢監生  
揀選人物端重學識優長者考選銓補嘉靖四十二  
年隆慶元年具題舉行地方稱

請及查揀選事例近年以來止於朝

覲考察之後舉行一次案呈到部看得揀選之法每遇  
考察後舉行一次雖係成規但有司正官既缺數多  
一時陞除不及通融議處委屬相應合候

命下行文兩直隸各布政司將舉人上選三年以上歲貢  
上選六年以上者許其起送赴部如北直隸河南山  
東山西臨近地方限本年十一月其餘地方限來年  
三月行文到部之日嚴加揀選分別銓補以後但遇  
缺多聽臣等酌量奏

請不必拘定考察舉行之例隆慶六年八月初二日題奉  
聖旨是欽此

議都督同知李偉封伯疏

題爲欽奉

清城校大字屬經利  
卷九  
日伏蒙

召臣等恭詣

會極門欽奉

敕吏兵二部朕嗣膺大統恭上

兩宮聖母尊號禮成率循我

祖宗列聖舊典加恩外戚皇親固安伯陳景行歲加祿米  
一百石伊長男陳昌言陞錦衣衛指揮僉事次男陳嘉  
言授錦衣衛副千戶都督同知李偉着封伯爵給與應  
得誥命伊長男李文全授錦衣衛指揮僉事次男李文  
貴授錦衣衛副千戶如敕奉行欽此欽遵恭捧到部送  
司除固安伯陳景行歲加祿米移咨戶部并指揮陳  
昌言等聽兵部徑自議題外查得嘉靖二年七月內  
皇親陳萬言以

孝潔皇后之父蒙

世宗皇帝特封泰和伯祿米一千石又查得嘉靖十九年

五月內

皇親方銳以

孝烈皇后之父蒙

世宗皇帝特封安平伯給與誥命追贈二代又查得隆慶

元年二月內

皇親指揮杜繼宗千戶李銘陳景行該本部查例具題  
奉

穆宗皇帝聖旨杜繼宗封慶都伯李銘德平伯陳景行固  
安伯各如例祿米一千石欽此除通行欽遵外案呈到  
部看得

皇親都督同知李偉查與秦和伯陳萬言德平伯李銘  
等事體相同委當一體加封但爵名併祿米數目係  
干

特恩臣等未敢擅擬伏乞

聖明俯賜裁定所有應得

誥命候伯爵既定容臣等另行題

請定奪隆慶六年八月初二日題奉

聖旨是李偉封武清伯食祿米一千石欽此

議大學士張居正進勲階疏

題為欽奉

敕諭事稽勲清吏司案呈奉本部送隆慶六年七月二十  
六日節該欽奉

敕諭朕恭膺

天命嗣承大寶顧惟在京文武羣臣昔奉

先帝今事朕躬効勞尤多宜加特賚文官一品至九品各給與應得誥敕內先已給領者與進應得勲階一等欽此欽遵抄奉到部送司檢照諸司職掌內開凡文職官員應合授勲者照依散官定擬奏

聞給授正一品該授左右柱國從一品該授柱國查得少師兼太子太師吏部尙書建極殿大學士張居正一品三年考滿已經本部請給

誥命并給授柱國訖今奉

敕諭大賚文武羣臣或蒙

誥敕之榮或被金帛之錫獨本官職居首臣勤勞獨茂反無一命之

恩誠爲缺典又查得弘治十八年

武宗皇帝卽位後七月十五日

手敕吏部少師兼太子太師吏部尙書華蓋殿大學士劉健加左柱國支正一品俸與誥命餘仍舊嘉靖年間少師兼太子太師吏部尙書華蓋殿大學士楊廷和楊一清節蒙

特恩加授左柱國呈乞查處等因案呈到部爲照少師兼太子太師吏部尙書建極殿大學士張居正彌亮

三朝儀刑百辟贊襄

先帝格天捧日已成保泰之功翊戴  
聖皇旋乾轉坤益衍亨豐之列恭承  
大賚宜有

殊恩既經查有先年少師大學士劉健等

手敕加授左柱國支正一品俸與

誥命事例相應題

請但係干

特恩臣等未敢定擬伏乞

聖裁隆慶六年八月初三日題奉

聖旨是候敕行欽此

覆巡撫山東都御史傅希摯自陳留用疏

題爲自陳不職乞

賜罷斥以肅

新政事考功清吏司案呈奉本部送吏科抄出巡撫山東

等處地方兼督理營田都察院右僉都御史傅希摯

奏奉

聖旨吏部知道欽此欽遵抄出送司案呈到部看得巡撫

山東等處地方兼督理營田都察院右僉都御史傅

希摯自陳不職乞要罷斥一節爲照本官政蹟卓異

簡命復隆自撫東土以來一切注措深慮東人來蘇之望

雖經陳乞求罷難以輕擬合候

命下行令傳希摯照舊供職務要撫字疲民潛消備寇海  
運一時之權不可少忘防倭之圖漕運自世之經尤  
當力贊修河之策隆慶六年八月初八日題奉

聖旨是傳希摯着照舊供職欽此

覆監察御史胡濬等參大理寺卿陳一松罰治疏  
題爲糾參不恪大臣乞

賜罷斥以隆祀典以正人心事考功清吏司案呈奉本部  
送吏科抄出廣西等道監察御史胡濬等題奉

聖旨吏部知道欽此欽遵抄出送司案呈到部看得廣西  
等道監察御史胡濬等參劾大理寺卿陳一松慢神  
瀆禮肆無忌憚乞要罷斥一節爲照人臣之禮入  
朝則當便便惟謹入

廟則當事事必問乃今大理寺卿陳一松旬日之間兩  
致差錯旣該御史胡濬等查參前來委當究治但本  
官久在外寮事體疎曠一則

天威之下震懼失措一則昏夜之間辯別未真且致詞一  
事先已奉

旨罰治合無仍行重罰惟復別蒙處分伏乞  
聖裁臣等再惟

長安東西二門比之

文廟尤爲隆重近來文武官員輿馬俱突至鹿角柞內  
傘扇等項徑自穿

朝往來甚者至於門首乘坐而出肆無忌憚不止陳一  
松一人而已若不亟加釐正殊非尊

朝廷明等威之義今無聽兵部出榜禁約以後有違犯  
者巡視科道官一面指名參奏一面將跟從人役等  
送法司治罪枷號以示懲戒不許容縱隆慶六年八  
月初十日題奉

聖旨陳一松姑罰俸半年門禁依擬有違犯的着巡視科  
道官從實參拏處治不許容縱欽此

馮巡撫大同都御史劉應箕自陳留用疏  
題爲自陳不職乞

賜罷斥以昭

聖治事考功清史司案呈奉本部送吏科抄出巡撫大同  
地方管理軍務都察院右僉都御史劉應箕奏奉

聖旨吏部知道欽此欽遵抄出送司案呈到部看得巡撫  
大同地方管理軍務都察院右僉都御史劉應箕自  
陳不職乞要放歸田里一節爲照本官慎於持身敢  
於任事自撫雲中以來百凡注措上下相安雖經自



陳求罷難以輕擬合候

命下行令類應實照舊供職務要悉心民瘼加意邊防毋  
恃貢市之小安頓忘修攘之大計馭軍士則有恩有  
威永消文側之心處

宗藩則不剛不柔仰體

親睦之義隆慶六年八月十三日題奉

聖旨是劉應實着照舊供職欽此

覆武清伯李偉封贈三代疏

題為欽奉

敕諭事驗封清史司案呈准中軍都督府經歷司手本奉

本府案令准本府帶俸武清伯李偉咨將追贈三代

并本身及妻授封緣由到司查得先該本部題奉

聖旨是李偉封武清伯食祿米一千石欽此已經通行欽

遵去後查得先為傳奉事奉

世宗皇帝聖旨皇親左都督方銳封安平伯給與誥命並

贈二代又查得泰和伯陳萬言追贈三代案呈到部

看得都督李偉既經奉有前項武清伯封爵所據

誥命例該贈及三代但先奉

世宗皇帝聖旨方銳追贈二代以故

皇親杜繼宗李銘陳景行相沿各止給二代

誥命合無將李偉准贈三代惟復止贈二代伏乞  
聖明裁定敕下遵行隆慶六年八月十五日題奉  
聖旨李偉准照舊例追贈三代欽此

酌議封贈事宜疏

題為酌議封贈事宜以需

特恩奉驗封清吏司案呈照得近奉

敕諭大賚在京羣臣及在外督撫兵備官員悉與應得誥  
敕欽此又遇

恩詔兩京文職官員未及三年考滿者俱與應得誥敕欽  
此除品同而職銜不同得以改給及移封移贈補給

本等

誥敕者開載已明無庸別議外中間見行事例猶有未經  
畫一者呈乞題

請以便遵行等因案呈到部臣等仰惟

皇上嗣登

大寶孝奉

兩宮旬日之間兩霽

恩綸一時臣工欽承

渥典榮被所親是誠千載希闊之遇臣等職守所關敢不  
祇承

德意但中間事例有未盡一反覆參詳條為七款伏望  
聖明特垂省覽俯賜宸斷敕下遵守其近日諸臣陳情各  
疏如與例相合者容臣等即為具題撰述未經陳情  
者許本衙門移文本部照例類題其與例不合者聽  
臣等即行停寢不得再肆瀆奏隆慶六年八月十七  
日題奉

聖旨大慶覃恩為民的准與開往生母並封既無例罷其  
餘依擬行欽此

計開

一見行事例凡封贈官員祖父官高子孫者得進

散官一階夫子兩有官者從一高者封贈查得嘉靖

三十六年二月吏部右侍郎孫陞考滿請給

誥命該本部查得本官父孫燧原任都察院右副都御史

已贈資善大夫禮部尚書母楊氏已封夫人合將孫

燧一階資政大夫等因題奉

世宗皇帝聖旨是欽此前件臣等議得親以子貴妻從夫

榮載在

令甲先年侍郎孫陞伊父孫燧始贈資善大夫故得進階

資政大夫伊母楊氏已封夫人難以加贈合無今次

遇蒙

敕詔官員內祖父與父有如孫燧者照例進散官一階其  
祖母與母卽各從其夫一體封贈

一見行事例丁憂養病給假但係見任官員遇蒙

恩詔准與封贈查得嘉靖七年八月該通政使司右叅議  
杜柟奏稱丁憂在京候領勘合恭遇

恩詔乞要比照給事中張潤身等事例請給

誥命該本部備查天順以來丁憂養病給假但係見任官  
員節有准給事例題奉

世宗皇帝聖旨旣係累朝已行之例實我

祖宗廣愛敬之意不必變更都准照例給與欽此又查得

隆慶三年十月該兵科給事中張國彥奏稱丁憂回

籍遇蒙隆慶元年二年兩次

恩典未得霑被乞要比例請給應得

敕命該本部查照

世宗皇帝明旨不必變更都准照例給與將張國彥

敕命照例請給其餘丁憂養病給假者果在隆慶二年三

月十一日以前遇蒙

恩詔例應請給父母

誥敕候其復除之日移文到部卽與具題不必紛紛陳奏  
致煩

天聽等因奉

穆宗皇帝聖旨是欽此前件臣等議得丁憂養病給假俱

係見任官員遇

詔得與封贈是誠

祖宗廣溥愛敬之意況奉有

世宗皇帝成命隆慶三年又經本部申明合無今次遇蒙

敕詔官員自隆慶六年七月二十八日以前但係丁憂養

病給假官員應得封贈

詔敕係其復除之日移文到部卽與具題不必自行陳奏

顯演

天聽

一見行事例貪酷爲民者不許封贈查得隆慶二年

五月內該尚寶司少卿吳自成錦衣衛經歷牛應龍

序班李國卿各奏遇

詔伊父各任同知縣丞考察爲民有礙請給乞要將本身

敕命移贈于父本部查得貪酷爲民例不封贈合無內外

官員應該封贈者其父若係貪酷爲民悉聽其子陳

情本部斟酌奏請姑准以原職冠帶開任以後子孫

官雖高封贈及母其父不得一體封贈所據吳自成

等之父雖貪迹開革少異其爲私罪則同遵奉

明旨俱不當封贈應否不准復職止量給與冠帶閒住等因題奉

穆宗皇帝聖旨貪酷并考察在逃及開革為民的既不當封贈冠帶也不准給欽此又查得隆慶三年四月該刑

部廣東司主事侯居良等奏稱先任知縣等官遇

詔請給敕命乞要將伊父原任直隸邳州判官考察為民侯畛復職致仕該本部議將侯畛姑令冠帶閒住等

因題奉

穆宗皇帝聖旨是欽此前件臣等議得貪酷不准封贈者所以懲惡也量與冠帶閒住者所以廣孝也但惟

大慶覃恩雖謫戍之徒亦從末減高年之人尚給冠服所

據貪酷為民官員身作之孽既已削其仕籍及親之寵似當慰其孝思合無今次遇蒙

敕詔官員中間如有父祖曾犯前項罪名許其子孫具奏陳情停止本身封典量准其父祖冠帶閒住惟後遇

照

先帝前旨冠帶亦不准給

一見行事例四五品六七品官不得同封查得隆慶

元年三月該國子監司業萬浩等開送親供前來乞

要改給

清城楊太學履齋  
卷九  
三十一  
女  
敕命緣係六七品例不重封該本部議得

恩命特頒臣工均被品同者既得改給品不同者反不得與殊非推廣

聖恩一視同仁之義況六七不同封乃為初給者而言非為改給合無將萬浩等俱照見任職銜改給此外再有相同者照例一體題

請免致陳乞等因題奉

穆宗皇帝聖旨是欽此前件臣等議得四五品六七品例不重封舊例原為考滿而言至于

大慶覃恩特准改給自難拘于常例隆慶元年欽奉

敕諭既經本部題准二年遇

詔又經申明合無今次遇蒙

敕詔官員內不拘五品陞四品或六品改七品或先已授外官封典今陞授京職者俱照見任職銜一體改給以後考滿等項仍照舊例不得妄為援引

一議陞授京官封典查得隆慶元年六月該戶部左侍郎徐養正等奏稱授官在

恩詔之內欲要請給

誥命該本部議將南京各官并在京侍郎徐養正等但係隆慶元年二月十七日以前陞授者

誥敕俱准請給等因題奉

穆宗皇帝聖旨是欽此前件臣等議得兩京官員推陞除授既有

成命卽係見任以故隆慶元年本部題奉

欽依一體請給

誥敕二年遇

詔又經申明卽今兩逢

大慶尤爲非常之遇合無將兩京官員自隆慶六年七月

二十八日以前陞授者不分已未到任仍照前例一體准給至于在外兵備官員未經到任者不許援以

爲例

一議前母贈典查得隆慶元年三月該工科都給事中馮成能奏乞追贈前母羅氏該本部議得前母之封

令甲未載如先年侍郎曹鼐等近年學士蔡昂俱蒙

准贈皆係

特恩臣等竊惟禮緣人情恩以類錫前母之子子雖無撫育之恩自父視之其爲母一也所據本官前母羅氏似應一體加贈等因題奉

穆宗皇帝聖旨准他欽此前件臣等議得前母追贈係出



特恩隆慶元年諸臣相繼

請乞不止馮成能一人而已比時本部以

登極覃恩難拘常例覆奉

欽依多從准給至于隆慶二年遇蒙

恩詔遂行停寢即今兩逢

大慶所據前母追贈似當暫為一行以後考滿等項不得

援以為例

一議生母贈典查得隆慶元年五月該戶部廣東司

署員外郎事主事林喬相奏稱三年考滿乞要比例

追贈生母張氏該本部議得嫡母在生母不得并封

嫌于以庶匹嫡所以正分也若生母故于嫡母之先

則幽明懸隔無嫌可別合無以後如遇生母先故者

一體給與贈典不必各另陳乞煩瀆

天聰等因題奉

穆宗皇帝聖旨准給與仍着為例欽此

前件臣等議得生母故在嫡母之先許其追贈先該本部議擬已明奉

有

先帝俞旨仍着為例無庸別議至于嫡母見在欲要并封

生母係于

成憲臣等不敢輕議

覆提督操江都御史張鹵自陳留用疏

題爲自陳不職乞

賜罷黜以新

聖治事考功清吏司案呈奉本部送吏科抄出提督操江

兼管巡江南京都察院右僉都御史張鹵奏奉

聖旨吏部知道欽此欽遵抄出送司案呈到部看得提督

操江兼管巡江南京都察院右僉都御史張鹵自陳

不職乞要罷黜一節爲照本官年力方強才猷茂著

汪防重任正賴整飭雖經自陳求罷似難輕擬合候

命下行令張鹵照舊供職隆慶六年八月二十日題奉

聖旨張鹵着照舊供職欽此

覆南京右通政等官周詩等自陳留用疏

題爲自陳不職乞

賜罷斥以光

新政事考功清吏司案呈奉本部送吏科抄出南京通政

使司等衙門右通政等官周詩等奏奉

聖旨吏部知道欽此欽遵通抄送司案呈到部看得南京

通政使司右通政周詩南京鴻臚寺卿孫鑰南京太

常寺少卿汪宗伊南京國子監祭酒林士章各自陳

不職一節爲照右通政周詩卿孫鑰少卿汪宗伊祭

酒林士章才望方隆職業無玷雖經自陳求罷俱難  
輕議合候

命不行令周詩等照舊供職隆慶六年八月二十日題奉  
聖旨周詩等有照舊供職欽此

蒲坂楊太宰獻納稿卷九

終